

Supervizor za Brčko donio izmjene Naloga supervizora o urbanističkom planiranju od 23. marta 2007. godine



Supervizor za Brčko, dr. Raffi Gregorian, izdao je danas Nalog supervizora kojim se donose izmjene Naloga supervizora od 23. marta 2007. godine, u dijelu koji se odnosi na urbanističko planiranje.

Gradonačelnik je Nalogom iz marta 2007. godine podstaknut da imenuje radnu grupu kojoj je povjereno da pripremi novi zakon kojim bi u Distriktu na efikasniji način bilo regulisano urbanističko planiranje i građenje.

Radna grupa je pripremila novi zakon kojim se reguliše pitanje izdavanja urbanističkih saglasnosti u slučajevima kada ne postoje detaljni prostorno-planski dokumenti na način koji je tehnički drugačiji nego što je u Nalogu iz marta 2007. godine, mada je princip isti. Skupština je zakon usvojila 25. juna 2008. godine.

Kako bi izbjegao pravnu nesigurnost u pogledu bilo kakve eventualne neusklađenosti između Naloga supervizora iz marta 2007. godine i novog zakona, u slučajevima izdavanja urbanističkih saglasnosti za područja koja nisu obuhvaćena detaljnim prostorno-planskim dokumentima, supervizor je smatrao adekvatnim da izmijeni svoj nalog supervizora u odgovarajućem dijelu.

Supervizor izražava pohvale za rad radne grupe i institucija Brčko Distrikta koje su u velikoj mjeri doprinijele da se dobije savremen zakon koji treba pomoći vlastima u rješavanju

nagomilanih problema u oblasti urbanističkog planiranja i građenja.